

Tuzla, 25.01.2023.

Br. protokola: KP II- 12/23

## **CILJEVI I KRITERIJI ZA DODJELU GRANTOVA U OKVIRU FONDA ZA MLADE - OMLADINSKA BANKA**

Fond za mlade usmjeren je na podršku realizaciji inicijativa mladih koje imaju za cilj podstaknuti mlade da učestvuju u aktivnostima i kreiranju sadržaja za dobrobit zajednice i unapređenje položaja mladih u tuzlanskoj zajednici. Podrška iz ovog fonda realizuju se u okviru Programa za mlade po modelu "Omladinska banka" što znači da odluku o distribuciji sredstava, praćenje realizacije ideja i podršku mladima u realizaciji iz ovog fonda donose također mladi ljudi.

### **CILJEVI FONDA**

- Osnaživanje kapaciteta mladih u svim sferama njihovog djelovanja
- Osnaživanje mladih na samostalno donošenje odluka i djelovanje u lokalnoj zajednici
- Osnažiti omladinski sektor kroz jačanje programskih i organizacionih kapaciteta omladinskih organizacija.
- Uspostaviti međusektorska partnerstva i promovisati građanske inicijative i projekte.

### **PODRUČJE DJELOVANJA**

Program za mlade Fondacija tuzlanske zajednice provodi se na području Tuzlanskog kantona.

### **KO MOŽE APLICIRATI?**

- Registrovana udruženja mladih sa područja Tuzlanskog kantona (Član 4, Zakon o mladima FBiH, stav 2);
- Neformalne grupe mladih od najmanje 3 punoljetna člana sa područja Tuzlanskog kantona (Član 4, Stav 1).

### **ŠTA PODRŽAVAMO?**

Inovativne projekte iz različitih područja društvenog života koji odgovaraju na potrebe lokalne zajednice i kojim se direktno unapređuju uslovi življenja mladih. Shodno rezultatima istraživanja [Vitalni znaci 2019.](#), prednost dajemo projektima koji su usklađeni sa prioritarnim potrebama lokalnih zajednica u Tuzlanskom kantonu, te izazovima na globalnom nivou definisanim [UN Globalnim ciljevima održivog razvoja](#). U okviru ovog Fonda, želimo podržati projekte koji potiču inovativna međusektoralna partnerstva i koji će unaprijediti slijedeće oblasti življenja:

- **Očuvanje prirode, briga o okolišu i klimi**

Želimo da podržimo inicijative koje su usmjerene na brigu o okolišu i koje podstiču odgovoran odnos prema prirodi, brinu o čistoći vode, zemlje i zraka. Dobrodošli su projekti za unapređenje kulture zdravog življenja kroz sprječavanje onečišćenja okoliša, recikliranja, održivog korištenja javnih površina i prirodnih resursa.

- **Kvalitetno obrazovanje i cjeloživotno učenje**

Želimo da podržimo inicijative kojima se promovise cjeloživotno učenje i neformalno obrazovanje, ali i koje njeguju kulturu zajedništva i poštivanje različitosti. Dobrodošli su projekti edukativnog karaktera za



usvajanje novih životnih vještina i znanja kod svih kategorija stanovništva, bez obzira na različitosti, npr. opismenjavanje, učenje starih zanata, kućne radinosti, proširivanje znanja o njegovanju kulture različitosti, tradicije i slično.

- **Smanjenje nejednakosti i ljudska prava**

Želimo da podržimo organizacije i neformalne grupe koje aktivno rade na razvoju demokratskog društva, promovišu rodnu ravnopravnost, zajedništvo i društvenu koheziju. Dobrodošli su projekti zagovaranja i promocije ljudskih prava, rodne ravnopravnosti, prava manjina, prava ranjivih i marginaliziranih grupa, npr. javne kampanje, debate, okrugli stolovi, diskusije i druge aktivnosti usklađene sa potrebama navednih grupa.

- **Ekonomija i poduzetništvo**

Inovativne projekte koji su usmjereni na razvoj poduzetničkog duha i projekte koji obezbjeđuju samoodrživost organizacijama civilnog društva. Projekte koji podstiču usvajanje vještina i kompetencija potrebnih na tržištu rada, koji su usmjereni na unapređenje rada organizacija civilnog društva i sl.

- **Očuvanje zdravlja, sport i rekreacija**

Podržavamo aktivnosti za mlade, djecu i porodicu, takmičenja i male turnire, između kvartova i lokalnih zajednica, promocije zdravog načina života i omasovljavanje rekreativnog sporta među djecom i mladima. Prednost će se dati inovativnim idejama koji će promovirati rekreativni sport, što **ne podrazumjeva** podršku trenažnom procesu profesionalnih sportskih klubova i njihovih omladinskih pogona.

- **Kultura, umjetnost i društveni život**

Podržavamo kulturna dešavanja, izložbe, festivale, koncerte, umjetničke predstave, tematske večeri i slično. Prednost će se dati inovativnim idejama što **ne podrazumjeva** godišnje koncerte niti obljetnice i proslave godišnjica

- **Podrška mladima, djeci i porodici**

Želimo podržati preventivne projekte u zajednici koji će mladima pružiti adekvatnu pomoć i podršku, ali i uticati na stvaranje opšteg osjećaja sigurnosti. Projekte i aktivnosti vezane za prevenciju vršnjačkog nasilja, sigurnost u saobraćaju-naročito se odnosi na aktivnosti podizanja svijesti građana o važnosti poštovanja zakona i pravila sudjelovanja u saobraćaju (podići svijest o posljedicama brze i neprilagođene vožnje, vožnje u alkoholiziranom stanju, i sl.)

Projekti mogu biti i iz drugih oblasti, pri čemu prethodno navedene imaju prednost.

## OPŠTI KRITERIJI

- Podržavamo inovativne projekte iz različitih područja društvenog života koji odgovaraju na potrebe lokalne zajednice i **kojim se direktno utiče na poboljšanje položaja mladih;**
- Projekti treba da budu zasnovani na volonterskom angažmanu aplikantata i promociji međusektoralne saradnje;
- Vrijednost podrške po jednom projektu može biti u rasponu od **1.000,00 KM do 3.000,00 KM ( bez PDV-a);**
- **Projekti mogu trajati od od 1 do 6 mjeseci;**
- **Projekti moraju biti implementirani u periodu od aprila do 30. septembra 2023. godine, bez mogućnosti produžetka za utrošak sredstava ili završetak projektnih aktivnosti.**
- Prednost dajemo projektima koji imaju dugoročniji efekat na rad i razvoj omladinske organizacije u budućnosti, kao i projektima u kojima je vidljiv kontinuiran rad i provedba aktivnosti organizacije na sedmičnom, mjesečnom i godišnjem nivou;
- **Projekti treba da pokažu vidljivu saradnju i podršku lokalnih partnera u zajednici (posebno lokalnih vlasti, ali i poslovnih subjekata, udruženja, pojedinaca, javnih institucija itd.). Poželjno je da aplikanti dostave potvrdu da će općina/grad i/ili drugi akteri sudjelovati u realizaciju projekta.**



- **Prednost se daje projektima koji uključuju veći broj građana iz lokalne zajednice u realizaciju projekta, posebno mladih osoba;**
- **Aplikanti mogu aplicirati samo sa jednim projektom na ovaj poziv;**
- Projektni tim treba biti sastavljen od minimalno 5 aktivista, ali će se prednost dati projektima koji uključuju veći broj mladih;
- Neformalne grupe moraju imenovati 3 punoljetne osobe koje će preuzeti punu odgovornost za realizaciju projekta;
- **Učešće aplikanta mora iznositi najmanje 50% od potraživanog iznosa,** što podrazumjeva jasno iskazano učešće aplikanta u finansiranju projekta, u vidu uloženog novca ili uloženog volonterskog rada ili donirane robe, alata, opreme ili usluga bilo od strane aplikanta ili drugih lokalnih donatora. Vrijednost volonterskog rada i donacija u robi mora biti izražena u novčanim jedinicama i jasno opisana u aplikaciji;
- **Ne podržavamo projekte čija ukupna vrijednost prelazi 10.000,00KM;**
- U pravilu ne dodjeljujemo drugu donaciju za isti projekat osim u posebnim slučajevima kada komisija procijeni da projekat ima dugoročan efekat i da se njime rješava jedan od prioritarnih problema u zajednici;
- Daje se prednost manjim organizacijama i aplikantima koji nikad nisu dobili grant od Fondacije.
- Daje se prednost organizacijama koje nemaju trenutno aktivan projekat podržan od strane Fondacije.

### ŠTA NE MOŽEMO PODRŽATI?

Projekat se neće podržati ako se radi o sljedećim slučajevima:

- projekte organizacija ili grupa koje ne vode mladi (član 4. Zakona o mladima FBiH), osim u slučaju podrške projektima udruženja čiji su programski ciljevi primarno usmjereni prema mladim. Odrasle osobe mogu pomoći u realizaciji ali projekat moraju voditi isključivo mladi ljudi;
- projekte organizacija ili grupa od kojih korist nemaju mladi;
- isključiva investicija u infrastrukturu i/ili renoviranje (putevi, zgrade ili drugi objekti, mostovi, postrojenja za pročišćavanje vode i vertikalne strukture kao što su saobraćajni znakovi, ulična rasvjeta i sl., iskopavanje, korištenja bagera i sličnih mašina);
- isključivo projekte koji se odnose na poboljšanje ili promjenu postojeće nekretnine kako bi se omogućila njena dalja ili učinkovitija upotreba unutar predviđene svrhe ili uređenje za promjenu namjene, , ali možemo podržati nestrukturane kozmetičke radove koji uključuju bojanje, krečenje, podove, zidne obloge, postavljanje polica.
- poboljšanja ili nadogradnju mehaničkih, električnih ili drugih građevinskih sistema ali možemo podržati zamjenu već postojeće rasvjete, bez zamjene vertikalnih konstrukcija.
- u pravilu ne dodjeljujemo drugu donaciju za isti projekat osim u posebnim slučajevima kada komisija procijeni da projekat ima dugoročan efekat i da se njime rješava jedan od prioritarnih problema u zajednici;
- lične koristi pojedinca;
- otplate dugova ili kredita;
- za projekte koji su već odrađeni ili se radi o retroaktivnim zahtjevima;
- godišnje finansiranje rada udruženja/grupe;
- projekte druženja članova neke grupe ili udruženja;
- isključivo troškove putovanja, smještaja, putarine, ekskurzija;
- troškove učešća na edukacijama za pojedince ili članove udruženja;
- **projekte čija ukupna vrijednost prelazi 10.000,00KM;**
- **isključivu nabavku opreme ili materijala,** osim u slučajevima kada se projekat ne može realizovati bez određene opreme i u tom slučaju iznos **potraživanja za opremu ne smije prelaziti 30% vrijednosti traženog granta** (neformalne grupe koje kroz projekat nabave opremu dužne su svu



kupljenu opremu donirati lokalnoj organizaciji ili instituciji po završetku projekta);  
**(napomena: pod opremom se podrazumijevaju svi artikli minimalne vrijednosti 200KM a čiji vijek trajanja/upotrebe je duži od godine dana)**

- **troškovi projekta ne mogu uključivati najam opreme od neregistrovane kompanije ili od strane fizičkih lica;**
- **organizacijske troškove čije potraživanje prelazi 20% vrijednosti traženog granta u slučaju kada je aplikant organizacija** (Organizacijski troškovi podrazumijevaju naknadu za usluge koordiniranja projekta, troškove prevoza i druge operativne troškove koji glase na ime organizacije (računovodstvo, bankovna provizija, troškovi režija i slično);
- **troškove prevoza, goriva, telefona i troškove projektnog osoblja u slučaju kada je aplikant neformalna grupa ne možemo podržati,** (Izuzetak je prevoz u slučaju da se radi o angažmanu prevoznika za realizaciju određene projektne aktivnosti);
- ne podržavamo projekte koji na bilo koji način štete okolišu, te u skladu s tim želimo skrenuti pažnju aplikantima da u realizaciji projektnih prijedloga vode računa da koriste biorazgradive materijale koji ne predstavljaju opasnost za okoliš i živi svijet;
- dodjele humanitarne pomoći;
- **ako je iznos vlastitog učešća u projektu, uključujući i volonterski rad manji od 50% u odnosu na vrijednost tražene donacije od strane Fondacije;**
- za nabavku osnovnih sredstava rada;
- magistarske i doktorske radove;
- **za nabavku oružja (u bilo kojem obliku, bez obzira da li se radi o sportsko/rekreativnom, replikama i sli.)**
- za projekte koji su primarno za unapređenje religije i politike;
- projekte političkih partija ili njihovih ogranaka;
- projekte vjerskih institucija ili organizacija;
- zahtjeve za sponzoriranje, reklamiranje, podrška događajima za namicanje sredstava i velike zahtjeve za sredstvima;
- **redovne trenajne procese sportskih klubova i/ili putovanja;**
- kotizacije i troškove takmičenja u ligama;
- zahtjeve od velikih dobrotvornih društva (izuzev kada lokalni ogranak, koji ima odvojeni organ upravljanja, implementira nezavisnu aktivnost za dobrobit zajednice);
- **plaćanje isključivo honorara za trenere ili druge osobe angažovane po projektu;**
- projekte koji su primarno usmjereni na ostvarivanje profita;
- troškove isključive registracije novog udruženja, osim u slučaju kada neformalna grupa kroz realizaciju projekta želi osnovati novo udruženje;
- projekte koji promovišu nasilje, mržnju ili bilo koji vid diskriminacije;
- projekte koji u svojim aktivnostima imaju uređenja i renoviranja spomen obilježja, groblja i mezarja;
- kupovine alkoholnih pića;
- projekte koji traju duže od šest (6) mjeseci;
- **projekte koji se realizuju izvan Tuzlanskog kantona.**

#### **KAKO APLICIRATI?**

- Savjetujemo vam da unaprijed promislite o vašoj aplikaciji, te budete slobodni kontaktirati osoblje Fondacije ukoliko vam je potrebna podrška prilikom razrade ideje i/ili ispunjavanju online aplikacije na broj telefona 035 362-830/831 i 061/206-935 ili putem mail-a: [inicijative@fondacijatz.org](mailto:inicijative@fondacijatz.org) sa naznakom „Fond za mlade“
- Projektne aktivnosti možete planirati najranije 30 radnih dana od zatvaranja javnog poziva na koji ste se prijavili, jer će Komisija za odabir projekata donijeti odluku u periodu od maksimalno 30 radnih dana nakon zatvaranja svakog aplikacionog kruga;



- **Projektni prijedlog se dostavlja popunjavanjem [online aplikacije](#) koja se nalazi na web stranici Fondacije tuzlanske zajednice;**
- Potpisanu i ovjerenu dokumentaciju treba dostaviti poštom ili lično u kancelariju Fondacije tuzlanske zajednice, na adresu: Pozorišna 13, 75000-Tuzla sa naznakom „**Fond za mlade - JAVNI POZIV 2 – FM – 1/2023**“, u roku od 7 dana nakon potvrde grant tima da je zaprimljena elektronska verzija aplikacija;
- **Ukoliko nemate mogućnost da aplicirate on-line putem, molimo vas da kontaktirate osoblje Fondacije, kako bismo se dogovorili o načinu dostavljanja aplikacije;**
- Registrovana udruženja trebaju **dostaviti kopiju rješenja o registraciji, statuta i završnog računa** za prethodnu godinu (bilans stanja i uspjeha), dokaz o otvorenom žiro računu, te eventualno izjavu o partnerstvu ako se radi o partnerskim projektima;
- **U koliko se projekat realizuje u školi ili drugoj odgojno obrazovnoj ili javnoj ustanovi, aplikant je obavezan dostaviti odobrenje odgovornog lica za provedbu projekta u toj ustanovi;**
- Aplikanti su dužni omogućiti grant timu Fondacije da izvrši predgrantovsku procjenu rada i poslovanja organizacije u prethodnom periodu. Predgrantovska procjena podrazumijeva analizu organizacijskih, finansijskih, administrativnih i ljudskih resursa podnosioca projektnog prijedloga. Samo organizacije koje zadovolje proces predgrantovske procjene mogu dobiti novčanu podršku.
- Aplikacije se nakon toga prezentuju nezavisnoj građanskoj Komisiji za odabir projekata za podršku. Komisija će prilikom procjene projektne projekcije ocjenjivati po slijedećim kriterijima: relevantnost u odnosu na teme poziva, relevantnost u odnosu na ciljne grupe, volontersko učešće građana i donatora, jačanje civiljne organizacije i NVO sektora, te uticaj na vlasti i zajednicu.
- Svi aplikanti će biti pismeno obaviješteni o odlukama Komisije, bez obzira da li je odobrena podrška ili ne.
- Neformalne grupe koje dobiju podršku svoj projekat će realizovati na način da će dobiti in-kind finansiranje projekta, koje podrazumijeva da će sve troškove nastale u toku trajanja projekta plaćati direktno Fondacija, a dužnost neformalne grupe je da pripremi predračune i dostavi ih Fondaciji.
- Po finalnom odabiru projekata, i objavljivanju rezultata na web stranici Fondacije bit će otvoren rok za prigovore u trajanju od 7 radnih dana. Pravo na prigovor imaju svi sudionici na objavljenom pozivu koji iz određenih razloga nisu zadovoljni svojom pozicijom na rang listi odobrenih grantova.

#### **POTPISIVANJE UGOVORA SA ODABRANIM APLIKANTIMA**

- **Aplikanti čiji projekti budu odabrani za podršku će potpisati Ugovor o donaciji sa Fondacijom tuzlanske zajednice i tako postati korisnici grant sredstava.**

#### **NAPOMENA:**

Prilikom izrade projektnog prijedloga pažljivo pročitajte kriterije i vodite se Uputstvom za popunjavanje aplikacije koje također možete preuzeti na našoj web stranici. Jasni, precizni i kvalitetno ispunjeni projektni prijedlozi, sa logički povezanim elementima projektnog prijedloga, osnova su za dobro razumjevanje vaše projektne ideje i eventualnu podršku.

Navedeni kriteriji su usklađeni sa Strateškim planom 2020-2024 Fondacije tuzlanske zajednice i zahtjevima donatora Fonda.

U Tuzli, 25.01.2023.



Jasna Jašarević  
Direktorica